

SELECTA

EX VARIIS POËTIS EPIGRAMMATA.

Citatum a P. Alvarez.

AD CHRISTUM CRUCIFIXUM.

Pro servo Dominus moritur, pro sontibus insons;
Pro aegroto medicus, pro grege pastor obit.
Pro populo Rex mactatur, pro milite ductor,
Proque opere ipse opifex, proque homine ipse
Deus.

Quid servus, quid sons, aegrotus, grex popu-
lusque,
Quid miles, quid opus, quidve homo solvet?
Amet.

A Joanne Commirio, S. J.

IN VIRUM ET UXOREM

in eodem patibulo strangulatos.

Ecce jugo nexi prostant vir et uxor eodem:
Hoc meritò possis dicere conjugium.

A P. Andraea Trusio.

IN HAERETICOS JACTANTES

apud se esse apostolicam ecclesiam.

Haereticos quoscumque rogem sua secta sit unde,

Mox ad apostolicos usque remittor avos.

Insto, sed improbior, quae syncopa facta, quòd
annis

Mille et quingentis nullibi visa fuit?

"Est invisibilis, dicunt, Ecclesia." Credo;

Quam nec homo, nec sol, nec Deus ipse videt.

Ex auctore incerto.

DIALOGUS GALLI, HISPANI, ET ITALI,

*in Urbanum VIII pontificem maximum, cu-
jus symbolum gentilitium erant apes.*

GALLUS.

Gallis mella dabunt; Hispanis spicula figent.

HISPANUS.

Spicula si figent, emorientur apes.

ITALUS.

Mella dabunt cunctis; nulli sua spicula figent:

Spicula nam Princeps figere nescit apum.

Citatum a P. Alvarez.

Intrantis medici facies tres esse videntur

Ægrotanti; hominis, daemonis, atque Dei.

Quamprimùm accessit medicus, dixitque salu-
tem;

"En Deus, aut custos Angelus," aeger ait.

Cùm morbum medicina fugaverit, "ecce homo"
clamat.

Cùm poscit medicus praemia: "vade, satan."

INSCRIPTIO AD FRONTEM PALATII

LUDOVICI XIV.

Non orbis gentem, non urbem gens habet ulla,

Urbsve domum, Dominum non domus ulla
parem.

ALIA SUB STATUA EJUSDEM REGIS

*in hortulo simplicium collegii parisiensis so-
cietatis Jesu.*

Huic sator est Carolus, gemino diademate pol-
lens,

Nobilis ingenio, fortis ad arma satis.

Sumpserat haec ortum prope moenia celsa Pa-
piae,

Cùm caperet genitor Itala regna petens.

Sed Rhodanum properans rapta est de lumine
vitae,

Ietaque sunt matris corda dolore procul.

Excessit patrios non conspectura triumphos;

Nunc Patris aeterni regna beata tenet.

IV.

ADAMI A SANCTO VICTORE,

quod sibi ipse conscripsit.

Haeres peccati, naturâ filius irae,

Exilique reus nascitur omnis homo.

Unde superbit homo, cujus conceptio culpa,

Nasci poena, labor vita, necesse mori!

Vana salus hominis, vanus decor, omnia vana;

Inter vana nihil vanius est homine.

Dum magis alludunt praesentis gaudia vitae,

Præterit, imò fugit; non fugit, imò perit.
Post hominem vermis, post vermem fit cinis,
heu! heu!

Sic redit ad cinerem gloria nostra suum.

Hic ego qui jaceo miser et miserabilis Adam,

Unam pro summo munere posco precem.

Peccavi, fateor, veniam peto, parce fatenti:

Parce, pater; fratres, parcite; parce, Deus.

V.

FRANCISCI PETRARCHÆ, POËTÆ
CLARISSIMI;

quod sibi ipse paraverat.

Frigida Francisci lapis hic tegit ossa Petrarchæ.

Suscipe, virgo Parens, animam: Sate virgine,
parce;

Fessaque jam terris, Coeli requiescat in arce.

VI.

CARD. FRANC. XIMENII
IN ACADEMIA COMPLUTENSI.

Condideram Musis Franciscus grande Lyceum;

Conder in exiguo nunc ego sarcophago.
 Praetextam junxi sacco, galeamque galero,
 Frater, Dux, Praesul, Cardineusque Pater.
 Quin virtute mea junctum est diadema cucullo,
 Cùm mihi regnanti paruit Hesperia.

VII.

Citat. ab eodem.

AD TUMULUM CAROLI V.

Europae domuit tollentes cornua Reges
 Carolus, atque Asiae terror et horror erat.
 Et pedibus Lybiam calcavit victor, et illi
 Innumeras victus praebuit Indus opes.
 Deinde sibi frenum injecit, fratrique regendum
 Imperium, et nato caetera regna dedit.
 Tunc ait: A nobis et honores temnere, et unum
 hoc,
 Discite, mortales: "*Pulvis et umbra sumus.*"

VIII.

Citat. ab eodem.

AD TUMULUM IGNATHI A LOYOLA.

Quis jacet hìc? Nullus. Quis saxo hoc condi-
 tur? Omnis.

Planius ista, rogo, dic, age, vera, lapis.
 "Hic situs est totum temnens Ignatius orbem,
 Qui sibi cùm nullus, tùm omnibus omnis erat."

IX.

Citat. ab eodem.

IN TUMULO CUJUSDAM.

Inter mortales vixi moriturus; at inter
 Coelestes aevo nunc meliore fruor.
 Cuncta istic celeri labi pede concita vidi;
 Hìc fixo intueor firma manere gradu.

LAUS DEO.

INDEX.

I. Deum invocandum.....	1
II. Creatio	4
III. SEDULIUS. Si Eva peccatum parit, beata virgo Maria nobis salutem dedit.....	28
IV. Passio Domini Nostri Jesu-christi.....	31
V. Alegoria de ligno vitae.....	43
VI. SEDULIUS. Coelum, id est, vita aeterna, est omni bono Christiano vera retributio....	52
VII. PRUDENTIUS. Theologiae Christianae summa.....	53
VIII. PRUDENTIUS. Peccati origo et ejus consequentiae.....	65
IX. S. PROSPERUS. Doctrina christiana de peccato, libero arbitrio et gratia.....	78
XIII. S. PAULINUS DE NOLA. Paraphrasis psalmi I.....	100
XIV. Paraphrasis psalmi C-XXXVI.....	103
XV. PRUDENTIUS. Sacrificium Imperatoris Juliani.....	108
XVI. SANCTUS PROSPERUS. Elogium Sancti Augustini.....	111

INDEX.

XVII. PRUDENTIUS. Hymnus ad gallicinium	113
XVIII. Hymnus matutinus.....	120
XIX. Hymnus post cibum.....	127
XX. Hymnus de novo lumine paschalis sabbati.....	134
XXI. Hymnus post jejunium.....	147
XXII. Hymnus de epiphania.....	153
XXIII. Hymnus in passionem beatorum apostolorum Petri et Pauli.....	165
XXIV. Hymnus in honorem beatissimorum martyrum Fructuosi, episcopi ecclesiae taracensis, et Augurii Eulogique, diaconorum.....	172
XXV. Hymnus in honorem Quirini, beatissimi martyris.....	183
XXVI. Hymnus in passionem sancti Cassiani forocorneliensis...	189
XXVII. Passio Sancti Laurentii.....	196
XXVIII. ENNODIUS. Hymnus de Sancta virgine Euphemia	227
APPENDIX. Fragmenta poetica ex opere Boethii de consolatione philosophiae desumpta	230
Selecta ex variis poetis epigrammata.....	269
Epitaphia	272

Blank white label with a textured brown rectangular patch on the left side.

Bl
18
v.3
c.1

Small rectangular label with a grid pattern and a yellow border.

C